

671.1237
078
18

東光縣志

東光縣志卷九

光緒十二年重修

人物志下

列女

節孝
賢懿

貞烈遇難附
貞女

史傳之載列女始於東漢然才德兼錄其例未嚴如
文姬亦附簡未適爲後世所譏彼蓋徒憐才也語云
女子無才便是德諒哉茲志所載列女雖多出於鄉
愚然皆獨率性真非關文字蓋節孝原屬庸行不以
奇鳴也又漢列女傳中十七人惟曹娥爲處女茲則
於賢孝節烈諸婦各分條目之外而別析貞女一門
亦足補漢傳之所未備也志列女

節孝

唐

堅貞節婦李者年十七嫁爲鄭廉妻未踰年廉死常布衣蔬食忽夢男子求爲妻不許後數數夢之李自疑容貌未衰醜所召也卽截髮麻衣不熏飾垢面塵膚自是不復夢刺史白大威欽其操號堅貞節婦表旌門闕名所居曰節婦里

唐書列女傳

按唐書此傳未詳籍貫張鷟朝野僉載有此事云滄州弓高鄧廉妻所記俱同惟史作鄭廉張作鄧廉爲異而畿輔通志則從史作鄭載入唐列女中滄州志亦從之舊志乃以此爲明列女殊失察矣

當從史及通志

明

庠生侯朝彥妻苑氏

一作范氏

年二十夫病狂欲殺之恐其

改嫁耳苑以死自誓翦髮塗面終身績紡雖至親罕

見其面年至七十五卒

通志

馬進妻趙氏守節四十年卒

同上

侯永清繼室李氏夫歿子幼親老孝事翁姑晨昏罔間

訓子讀書寒暑不輟邑令鄭額其門曰節孝可風

康熙

通志

庠生陸烜妻姜氏年二十三烜故有遺腹子代夫事親

操井臼以供甘旨親蠶桑以備束脩孀居四十餘年

禮防自持洵稱完節

吉木

通志府志
俱作吉朮

妻竺氏年十九歲夫歿有遺腹子家無

寸土恪事舅姑苦守婦節厥後子孫繁衍家業頗興
壽八十餘卒得蒙旌表

陳居妻李氏年十八歲夫故立誓守節上孝公姑下訓

孤兒壽七十卒

俱同上

經歷張鉞妻柴氏夫故奉侍翁姑親嘗湯藥撫養繼子

早入黌宮婚葬捐資讓翁遺產奉敷旌表

光緒
通志

于三畏妻袁氏年二十一歲夫故姑病子孱艱苦守志

四十餘年有司旌表

康熙
通志

于三省妻金氏年二十三歲夫故與三畏妻撫孤同節

一門雙貞

趙德妻晁氏

舊志作馬頭鎮趙姓婦趙氏

夫故無子翁老族人咸欺

侮之晁買一婢進之翁不納晁跪請曰翁雖老婦不便近前願留此女奉侍翁強納之久而有孕生一子

晁撫育教訓遂延趙祀

俱同上

吳邦儒妻韓氏年二十歲夫故矢志守節茶苦終身鄉

黨稱揚年八十四卒

光緒通志

庠生閻有俊妻崔氏年二十四歲俊故孝事孀姑嚴訓

二子躬親繾綣守節五十餘年有司旌之上

趙時顯妻杜氏年二十夫歿翁姑憐其年幼命之改適

杜不從矢志撫孤羣欽完節

康熙通志
兼舊志

庠生李志學妻王氏年十九夫亡上無翁姑下無子女

熒熒子立甘貧守節四十四年卒

康熙通志

孟思德妻劉氏年二十三夫故苦志守節績紡度日撫

姪如子教之游庠後蒙旌表

雍正通志

息隆泰妻王氏夫亡撫孤守節四十年

續志
稿

國朝

孫允中妻李氏明崇正十七年遭亂夫故時年二十五

歲有老姑八十餘二子皆幼家業凋零李奉姑盡誠

撫子有道每不自食而食其姑與子甚或不食其子而咀食以哺姑及姑歿與夫喪葬皆自經理李母家亦望族後遭亂有二弟皆庠生俱被擄遺有老父老母李歸奉養歿亦全爲封葬焉苦節五十四年卒雍正

正十三年 旌建坊從祠祀

縣冊

儒士張于亡

府志作于宇

妻夏氏年十七夫亡遺子僅週歲

矢志不二守節三十餘年卒

光緒通志

庠生莊曾皋妻孟氏年十九夫故子方襁褓父欲奪其志孟誓死自守事姑唐氏克盡婦道撫孤遊庠羣稱令母歷五十一載卒與其娣魏氏公舉雙節邑合金

表其門

通志參舊志

庠生莊曾憲妻魏氏夫亡魏年二十八事姑唐氏以媳

代子教子遊庠食餼又以母代父邑令金額其門曰

德媿三遷苦節四十餘年卒邑人作柏舟吟以輓之

邑侯白贈輓歌二章邑副貢馬孔思立有傳

同上

趙之健妻莊氏太僕蒞民曾孫女也生而凝重笄年適

趙修婦道姑病祝天求代洎歿哀毀盡禮夫繼逝莊

年二十二養親撫孤入泮苦節四十年卒

光緒通志參府志

霍其有妻趙氏年二十歲夫亡遺腹在身矢志守節及

育乃女也勸之者曰汝之所以不改嫁者爲此一塊

肉耳今復何望無子之節恐誤終身趙曰子與女皆亡夫骨血也因無子而他適從一之謂何吾志已決慎勿多言於是紡績度日撫養孤女三十三年五十

三歲卒

通志兼舊志

庠生李冲翰妻劉氏順治乙未夫亡無子守節事翁至孝撫夫弟成立弟生子使繼夫嗣守節三十九年卒
邑令王獎曰節義逾韓

庠生朱道南

朱通志作宋誤

妻馬氏于歸四載夫故時年二十

無子遺女二週堅貞自守以姪承祧姪婚女嫁皆營

備合宜孝敬公姑和睦妯娌苦節三十年卒

俱同上

邢世煥妻霍氏

府志誤

生子三月夫亡霍時年二十二矢

志守貞訓其子文琰爲邑名士遇姑病篤霍移置已

室百方調治姑病尋愈人皆以爲孝感所致苦節三

十餘年卒

通志舊志

趙竹妻張氏年二十一夫亡子尙在襁褓家貧如洗矢

志守節撫養成人苦節五十餘年卒

廩生馬之騏側室李氏夫亡李年十八子幼家貧衣食

罔給毅然自矢紡績度日躬親教子守節四十餘年

卒

侯天培妻于氏夫亡于年十七子方五月撫育教訓後

得遊庠里黨稱之

楊三畏妻邢氏夫亡邢年二十一遺孤可久尙未週歲
堅志守貞撫兒成立二十年兒又病亡復守幼孫紡
績度日撫兩世孤存楊氏祀皆邢之力也

馬岳妻石氏

府志作邢氏誤

年十八夫亡無子堅貞守節視嗣

子咸繼如己出家貧姑老孝養維艱紡績度日苦節
四十一年卒

庠生程斌妻李氏斌遇兵變死李年二十五一子六歲
亦被擄止遺弱女二公姑俱老夫弟珽方四歲李奉
親撫叔苦節五十二年卒

庠生王耀祖

府志作繼祖誤

妻韓氏年二十九夫亡生遺腹子

卓宗人之無良者利所有迫脅備至韓不得已攜其

子避患母家泊子稍長迺歸故居理先業不數年田

疇廬舍有加於昔後子入泮克亢王氏之宗邑令陳

表其門曰節高畫荻

俱同上

息錯妻石氏夫亡守節康熙四十二年邑令杜獎曰松

筠勁節

通志參縣冊

石廷礎妻周氏無子夫在嗣姪志粹爲子及歿周年二

十九家庭多變欺幼凌孀逼令改適周斷髮自矢羣

小乃懾教子訓孫家業克保邑令陳以匾獎之

通志舊志

李起鳳妻王氏青年守節訓二子鈐鉦入泮年六十卒

康熙五十五年邑令李表其門

通志參縣冊

王所予繼妻周氏夫亡孝親撫孤守節四十六年雍正

五年

旌

雍正通志

庠生馬鵬程母霍氏守節訓子乾隆二年學使劉表其

閭曰畫荻遺風

通志參縣冊

庠生畢欽繼妻戈氏年二十夫亡二子俱幼矢志不移

與寡嫂趙共勤紡績以事孀姑姑歿典衣鬻珥營喪

葬二子長延師課讀後長子汾爲邑名士乾隆二年

學使劉表其門曰貞淑流徽

畢錚妻趙氏姑孀而失明趙于歸後奉侍盡歡未幾錚
亡趙年二十二觸棺號泣欲以身殉旣而曰吾死姑
誰事耶於是勤女紅以供菽水有姪女失恃覓乳代
哺撫之如已出苦節五十一年乾隆三年卒

張士立妻王氏節孝乾隆七年旌

路宗遠妻潘氏守節四十餘年乾隆九年四川布政司

董表其門曰玉潔冰清

俱同上

庠生路行遠妻高氏夫亡翁老子幼與側室劉氏矢志
守節劉衰毀成疾卒高歷三十餘年卒大學士孫表

其門曰節勵松筠

縣志

武生馬蔚妻杜氏年二十七夫亡無子後四年家遭回祿杜竭力經營持以勤儉卒撫嗣子成名乾隆九年卒年八十二歲請旌建坊從祠祀嗣子澤洪自垂

髻過嗣厯五十年色養不衰其孝亦足稱焉

同上

庠生馬子寅繼妻蘇氏年二十夫亡時翁姑在堂遺子澤渙甫晬蘇仰事俯畜人無間言終能教子成名乾隆十二年卒年五十五學使陳表其閭曰松筠勁節

通志參
縣冊

姜淮妻張氏乾隆中請旌建坊從祠祀

同上

文章金如瑚妻李氏二十三歲夫亡守節乾隆十二年

請旌建坊從祠祀子城妻魯氏二十一歲守節學

使獎曰勁節凌霜

縣冊

趙藻妻李氏夫亡守節乾隆十九年請旌建坊從祠

祀

通志

張超凡妻劉氏年二十五夫亡翁姑在堂家無恆產遺

子甫六歲夫有二弟一未婚而死一方娶即歿家益

單微劉以婦代子事親撫孤取資紡織歷四十餘年

乾隆二十年

旌

通志參縣冊

安增品

通志作增昌

妻李氏十七歲于歸一年夫亡躬親泮

統事翁姑撫幼子孝慈兼至守節四十八年乾隆二